

古佛爐前一炷香神龍夭矯掛空蒼人間祥瑞
六月雨枕上吟哦終夕涼不待白渠紛畚鍤俄
驚赤鹵屹倉箱自慙太守無功德帝力惟知荷
聖皇

西抹東塗老不禁芙蓉洲畔更浮沉數莖半黑
半絲髮一寸憂晴憂雨心烏糝且欣將浙玉紅
蓮何翅已抽簪小臣獻穀穰嘗了深密山林可
訪尋

晚上危樓望碧岑雲煙開闔弄晴陰見前鷗鷺
移心法何處鷓鴣梟過耳音好雨十分催暑駕涼
風一宿動秋砧誰憐老子思鄉淚滴向鄞江未
是深

再用喜雨韻

古說雲香雨亦香天工豈是色蒼蒼寸瓢假手
何煩靖斗酒開眉不換涼穠穉已欣登杵曰綸
締漸可納巾箱擬賡周雅魚麗什堆案文書未
暇皇

熱惱煩蒸正不禁火輪忽向半空沉屯中信有
雲雷象復處方知天地心便擬新秋先上印何
須晚歲始投簪江山信美非吾土栗里時從蝶